



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

3. Et ad errores Johannis XXII.

urn:nbn:de:hbz:466:1-38277

Reſp. Tota hæc narratio Cæſarij auctoritate nititur: quām fragilem basin tantæ moli ferendæ! quis enim nescit, multa à Cæſario narrari fabulis simillima? & quæ ipse profitetur, aliorum tantum narratione accepta? ergo æquum Maimburgo videbitur, totam retrò ab Irenœo antiquitatem, tot Patres, tot Concilia Oecumenica falsi arguere unius Cæſarij testimonio? præfertim cùm is audita, non vifa narret, imd̄ ne ab ullo quidem scriptore consignata, nec inter epistolæ Innocentij reperta; & mirum est, rem tantam omnium silentio premi. Si post Innocentij Decretum Lateranense Concilium contrarium tanquam fidei dogma definit, ut ait Maimburgus; ergo Cæſarius hæreticus est, qui non obſtante Concilij definitione se Innocentij sententiae adhærere profiteret: quam ergo fidem Cæſario adhibebimus perfidia & hæresis reo? Dicam ergo errâſſe Cæſarium, quippe aliena, incomperta, inaudita ac incredibilia narrantem. Quod si absurdum Maimburgo videbitur, Cæſarium in mero facto, historiâque errâſſe, in qua tam multi, præstantesque errârunt; quantò absurdius erit, in rebus ad fidem, æternâque salutem spectantibus errâſſe, aut errare Pontificem, errare Magistrum, Pastoremque Ecclesiæ, errâſſe Cathedram veritatis, errâſſe Patres, errâſſe Concilia, errâſſe Ecclesiastam Gallicanam, omnēsque Ecclesiæ scholas, quæ Romano Pontifici tanto conſenſu infallibilitatem tredecim & ultrâ ſeculorum decurſu attribuere? Quantò minori diſpendio errâſſe, deceptumque Cæſarium esse dicemus, quām iſtos omnes? Sed demus vera esse à Cæſario narrata, nihil adhuc obſtant veritati. Quando enim Innocentius Cifertensi Capitulo ſcripſit, nihil definivit, nec præcepit pro fidei dogmate habendum, nec contraria ſententiam doceri prohibuit, cæciditque anathemate, in quo ſolo caſu, qui proprius Pontificis eſt, convenitque Magistro Ecclesiæ, infallibilem eſſe dicimus.

III. *Opponit s.* Exemplum Johannis PP. qui nihil non egit, ut opinio in Ecclesia recipetur, quam animo ſuo imprefterat, animas vid. iuſtorum non admitti post mortem ad Visionem Beatiſcam, ante Resurrectionem corporum. Hancenim ſententiam & in publicis & inprivatis congressibus, imd̄ & è ſuggestu docuit, omnēsque lapidem movit, ut eam Universitati Parisiensi per-

persuaderet: denique ut scribit Adrianus VI. publicè docuit, declaravit, & ab omnibus tenerimandavit, quid anima &c. Et tamen hanc sententiam hæreticam esse, non solum Parisiensis Universitas, sed etiam Benedictus XII. & Concilium Florentinum definit.

Reff. Imò hoc maximè exemplo apparuit, quantum DEO curæ sit, ne Cathedra Petri aliquo errore inquietetur, quicunque tandem Pontifex eam Cathedram insidat. Certum est, Johannem in erroniam sententiam de animabus corpore solutis maximè propendisse, DEO tamen nunquam annuente, ut hunc errorem è Cathedra promulgaret, & tanquam fidei Dogma recipi totâ Ecclesiâ juberet. Id verum esse, multifariam apertissimèque ex ipso etiam Maimburgo ostenditur. Nam primò permisit Johannes, (a) ut cuilibet pro arbitrio liceret de hac re sentire, rogavitque Philippum Regem, ut utrīque sententiæ locus & libertas in Gallia esset, non tamen impetravit. Nihil ergo definierat Johannes, alioquin libertas opinandi sublata esset. secundo. Nunquam Constitutionem reperias, in qua Johannes tanquam fidei Dogma hanc opinionem suam admitti à fidelibus voluerit. Tertiò. Ipsemet Johannes cùm videret novellâ hâc sententiâ turbari Galliam, indignaque, vocato Cardinalium, Prælatorum, Doctorumque Cœtu, qui Avenione morabantur, protestatus est, (b) se quidquid pro sententia sua haec tenus dixerit, non definiendi, sed veritatem examinandi, inquirendique causâ à se dictum fuisse. Quartò. Ipsi Parisienses Doctores codem anno, quo hanc Johannis opinionem erroris damnârunt, anno videlicet MCCXXXIII. (c) secundâ Januarij palam aper- tèque professi sunt, eam sententiam à Johanne in medium productam esse, non quid veram crederet, multoque minus, quid definire eam veller, sed solum indagandæ veritatis gratiâ. Quintò. (d) Idem Johannes professus est, si nihil in hac causa positivè affirmare velle: ejusque sententiam non tanquam Pontificis, sed privati Doctoris censuit Rex Philippus sententiæ Parisiensis Universitatis postponendam esse, teste ipso Maimburgo. Sextò. Teste P p Wadingo

(a) Epistola Johan. ad Philippum Valef. à Calend. Decembr. (b) Maimb. de la Decadenze liv. 6. J. Willanus lib. 10. cult. Wading. ad Annum 1333. (c) Spondanus ad Ann. 1333. Historia Univers. Parif. ad eund. ann. (d) Maimb. cit. fol. 601. & Wading. in Regestho Anno 1333.

Wadingo, (a) cùm Franciscanorum Generalis Parisijs Johannis sententiam ex suggestu defendisset, Pontifex juramento contestatus est, tantum abesse, Generalem id mandato suo fecisse, ut ne quidem de hac re cogitaverit. *Septimò.* Anno denique MCCCXXXIV. terio Decembrius idem Johannes morti vicinus (quando præter æterna nihil amplius speratur, timeturque) editâ ultimâ constitutione professus est, justorum animas statim, ut peccatorum reliquijs purgatae sunt, in Cœlum admitti, ubi Beatâ DEI Visione facie ad faciem perfruuntur, & *hanc sententiam se habere, & antehac habuisse;* quæ verò de hac re præteritis annis dixerit, scripsérítque, omnia Ecclesiæ suorūmque successorum Pontificum judicio ac censuræ subiecta velle. Ita Willanus (b) & Wadingus (c) testantur, nec Maimburgus lib. 6. de Imperij Occasu diffitetur. Constat ergo, nihil definiisse Johannem ex Cathedra, nihil ergo privatus illius error Cathedræ Infallibilitati nocet. Frustrâ ergo Maimburgus labrat, invitâ non solum veritate, sed etiam conscientiâ. Agnovit enim Johannis innocentiam, imò & defendit libro citato. Nunc verò aut Romæ iratus, aut aulæ devinctus, aut utrōque affectu perversus, maluit falsa quidem & indigna cum lucro scribere, quam gratis, nulloque pretio veritatem.

IV. Opponit 9. Paulum IV. PP. anno 1557. cùm ab eo peteretur dissolutio Matrimonij per verba de præsenti inter Marechalum Momorantium, nobilèmque Virginem contrafeti, nullo tamen maritali amplexu secuto; causâ ad Collegium Purpuratorum delatâ sic prælocutum esse: *Quærimus, num Matrimonium de præsenti contractum, quod est verum sacramentum, auctoritate nostrâ dissolvi possit, cùm carnalis conjunctio nulla intercessit. Perspicite, an Decessores nostri id satis intellexerint, quod de indissolubili Matrimonij vinculo disquirimus.* Non dubito, quin ego & Decessores mei errare aliquando potuerimus, non solum in hoc, verum etiam in alijs verum generibus. Fatetur ergo Paulus, Romanos Pontifices etiam in caulis Sacraenta spectantibus errori subjectos esse.

Reſp. Quæro ex Maimburgo, quem hujus historiæ, sermonisque à Paulo habitu testem auctořemque proponat? nihil enim in Annalibus eorum temporum, nihil in Constitutionibus Pauli reperimus. Quem ergo Auctorem facit? *Dominum, inquit, de la Haye.*

(a) At

(a) Wading. in Reg. cit. (b) Wilan. lib. ix. cap. 9. (c) Wading. cit.